

欽定四庫全書

子部

薛氏醫案卷七十二



詳校官太醫院吏目臣吳尊變

編修臣倉聖脈覆勘

華
 中
 國
 書
 局
 藏
 書
 印

日書

明薛已訂

頭者形勢重也輕其表
獨密之處各有經絡部

主脾脇主肝兩腋主

肺下部主腎肩背主膀胱當隨見症治之若面色黃大便黑煩躁喘渴或腹脹者瘀血在內也用犀角地黃湯或抱龍丸生犀角汁但根窠分明肥滿者無妨竊謂前症若屬心經用導赤散之類胃經用犀角散之類肝經用柴胡湯之類大凡稠密者熱毒熾盛也若密而不痛用東垣消毒散若密而作痛用仙方活命飲若密而小便不通用八正散若密而大便不通用承氣湯若密而惡寒發熱用麻黃甘草湯

一小兒十三歲痘瘡稠密而痛脉洪數而有力先君用
仙方活命飲二劑先出者痛頓止後出者隱於肉裏用
東垣消毒散二劑隱者悉消又用活命飲一劑脉靜身
安而痊

一小兒痘稠密身側尤甚焮赤呻吟飲乳不徹先君謂
肝膽之火助邪為患故身側尤多乃乳母肝火傳變也
用柴胡梔子散治其母子飲數滴而靨

一小兒痘瘡甚密身側尤甚貫膿不滿不紅活或云當

歿於十二日余以為氣血虛弱用八珍湯加糯米百粒數劑至十五日而愈

一小兒痘密而灰白色始末悉用補托之藥安後飲食過多嘔吐面青白唇目牽動先君以為慢脾風症之漸不信翌日手足時搐用五味異功散加木香乾薑而愈

一小兒痘稠密色赤先君以為熱毒用東垣消毒散一劑初出者頻起後出者悉沒再劑如斯而靨

一小兒稠密色黑煩躁喜冷手足並熱先君謂火極似

水令恣飲芹汁煩熱頓止先用犀角地黃湯次用地黃丸料服之而愈

一小兒稠密出遲用四聖散而起發用參芪內托散而
醫後發熱惡寒用八珍湯而愈

一小兒痘密而痛用東垣救苦湯一劑痛頓止用紫草
木通湯而愈

一小兒痘密身痛如刺用活命飲一劑其痛即止又用
犀角消毒散而愈

一小兒痘初出密痛用東垣救苦湯痛頓止又用四聖散而發用犀角消毒散而愈

麻黃甘草湯治表實痘毒熾盛稠密

麻黃 生甘草

右水煎服

柴胡梔子散

方見作
痒扒破

甘桔防風湯

方見痘
咳嗽

紫草甘草枳殼湯

方見
痘喘

東垣消毒散

方一名救苦湯
見痘身痛

紫草木通湯

方見小
便不利

仙方活命飲

方見
痘癰

六味地黃丸

方見痘癰
熱屬陰陽

小柴胡湯

方見
痘症

四聖散

方見痘腹
脹氣促

紫草散

方見頂
陷心煩

抱龍丸

方見痘
癰搖

犀角消毒散

方見
疔

柴胡清肝散

即柴胡梔子散
一方見
痘潮熱

痘吐瀉

痘疹方云痘疹吐瀉蓋因脾胃不和飲食不調煩渴嘔吐泄瀉並用白朮散然瘡疹皆賴脾土脾土實則易出易靨萬物得土氣溫煖而生吐瀉則傷脾土遂有更變之症夏月中暑煩渴瀉或腹痛或欠筋用五苓散加藿香傷食吐瀉用小異功散手足並冷者用益黃散豆蔻

丸頂陷灰白用木香散瘡正出而吐瀉者或見血者俱為逆症難治竊謂前症雖因脾胃不和然邪實上焦則宜吐邪實下焦則宜瀉如吐瀉噯腐吞酸皆宜宣發但微甚不同耳張翼之云若痘疹吐瀉少食為裏虛陷伏倒靨灰白為表虛二者俱見為表裏俱虛合用十二味異功散救之甚至薑附靈砂亦可用若止裏虛去官桂止表虛減肉荳蔻若能食便秘倒靨為裏實而補當用錢氏及丹溪法下之皆為能食為裏實裏實而補則結

癰毒紅活綻凸為表實表實而補則潰爛不結痂凡痘見癰便忌葛根湯恐發表虛也如有更變當隨症治之
一小兒痘初出忽吐瀉飲乳不歇屬脾胃虛弱用人參白朮散作大劑母子並服又用五味異功散為末時以乳調服吐瀉止而靨

一小兒出痘作瀉手足並冷用十二味異功散稍愈又用五味異功散加薑桂一劑而止又用薑加木香一劑再用參芪四聖而靨

一小兒痘瘡愈而作瀉不食此脾氣內虛先用五味異功散而瀉止食進後又傷食吐瀉發搐仍以五味異功散加天麻柴胡而愈

一小兒痘後作瀉腹中疼痛手足並冷此脾氣虛也用五味異功散加乾薑一劑乃去薑又數劑而痛止又用六君子湯加柴胡而瀉止

益黃散治瘡疹因煩渴飲水過多而傷脾胃吐瀉

丁香 訶子煨 青皮 陳皮 木香各等分

右為末每服一錢水煎

橘皮湯治嘔吐不止飲食不入

陳皮

生薑

錢各一

人參

分五

右水煎作三四次服之

生氣散治脾胃氣虛吐瀉肚腹膨脹飲食不化或腹痛
不止

丁香

甘草

各五分

白朮

青皮

木香

人參

各七分

分

右水煎徐徐服

五苓散

方見小便不利

五味異功散

方見寒戰咬牙

對金飲治傷食吐瀉

方見不瀉悶亂

豆蔻丸

方見泄瀉咬牙

十一味木香散

十二味異功散

二方見發熱屬陰陽

參芪四聖散

方見腹脹氣促

六君子湯

方見不屬悶亂

自汗

痘疹方云初起時自汗不妨蓋濕熱薰蒸而然也竊謂前症因邪在經絡自能發散使邪氣外泄若見此症不當用芪桂之屬以實腠理且自汗則痘熱已輕升麻葛根之類在所當禁恐發泄太甚則津液內耗陰隨陽散難以收靨靨後最宜審治若血虛者用當歸補血湯氣虛者用四君子加黃芪氣血不足者十全大補湯若飲

食自汗者異功散楊氏云痘瘡一見紅點升麻葛根便不可用此語甚是但此為表虛及無表症者而論若或邪在表痘赤綻焮者又當用麻黃甘草湯汗之腫焮作痛者用活命飲加麻黃散之蓋自汗盜汗為病不同自汗者汗無時而自出也屬陽虛盜汗者睡則汗出寤則汗收也屬陰虛汗者血之所化陰氣不能閉藏所以睡則汗出也痘家當以補血為主若當歸補血湯六味地黃丸八珍湯人參養榮湯之類皆可因証施治又有胃